



Inatsiartunut ilaasortamut
Anna Wangenheim
Demokraatit

19-03-2024
Suliap normua 2024 - 4036
All. il. 23907893

Postboks 260
3900 Nuuk
Oqa. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

§ 37 naapertorlugu apeqqummut nr. 025.2024-mut akissuteqaat

Asasara Anna Wangenheim.

Apeqqutitut qujanaq. Apeqqutit tullinnguuttut ataasiakkaarlugit uteqqinneqarput, akissutinik tulleqarlutik. Kommunit tallimaasut tamarmik apeqqutitik akissuteqarnissaannik Naalakkersuisoqarfiup qinnuigisimavai. Avannaata Kommunianiit Qeqqata Kommunianiillu akissuteqartoqarsimavoq, kommuniniilli allaniit pingasuniit sulii akissuteqartoqanngilaq.

1. Angajoqqaat timikkut tarnikkulluunniit piginnaasakitsunik meeralinnut atugassarititat pitsanngorsarniarlugit Naalakkersuisut maannakkut suut tigussaasumik suliniutigaat?

Akissut: Inuit innarluutillit tapersorsorneqarnissaannut inatsisissatut siunnersuut nutaaq piareersarneqartoq 2024-milu Inatsisartut Ukiaanerani Ataatsimiinnissaanni saqqummiunneqartussa q Naalakkersuisut ilisimatitsissutigisinnaavaat. Inatsisissatut siunnersuut inunnut innarluutilinnut, ilaatigut meeqqanut innarluutilinnut angajoqqaajusunut pissutsinik pitsanngorsaavigneqarsimasunik amerlasuunik imaqqassaaq.

Tamatuma saniatigut Innarluutillit pillugit nassuiaat 2022-meersoq aallaavigalugu Naalakkersuisut "Inuit Innarluutillit pillugit Naalagaaffiit Peqatigiit isumaqatigiissutaata malinneqarnissaanut iliuusissatut pilersaarut 2024-2034" suliarileruttorpaat. Meeqqat innarluutillit amerlanerit najugaqarfissatut neqeroorumiinnatik angajoqqaaminni najugaqaannarnissaat siunertaralugu iliuusissatut pilersaarutip ilaatigut angajoqqaat oqilisaanneqartarnissaat isumagissavaa.

2. Angajoqqaat meeqqaminnik piginnaasakillimasunik tapersorsortaanissaminnut suut periarfissagivaat?

Akissut: Ulloq unnuarlu neqeroorumi Namminersorlutik Oqartussanit pigineqartumi najugaqartunut angajoqqaajusoq tapersorsortaanissaanersoq nalilersorneqarluarumaarpoq, meeraq suna tunngavigalugu inissinneqarsimanagera apeqqutaammat.



Takuuk § 40 Inuit innarluutillit tapersersorneqarnissaannut Inatsisartut inatsisaanni inummut innarluutilimmut, nammineq angerlarsimaffeqartumi, ilaatigut ikiuinikkut, angerlarsimaffimmi suliasat pisariaqartutigit nerisassatigullu sullissinikkut isumassorneqarneranik inummut isumaginnittumut kommunit tapersersuisinnaapput. Takuuk § 42 inummut innarluutilimmut, nammineq angerlarsimaffimmi nammineersinnaanissaanut perorsaanikkut tapersersorneqarnissamik pisariaqartitsisumut kommuni najugaqatigiiffimmik imaluunniit najugaqarfimmik isumannaallisakkamik neqerooruteqassaaq. Taamatut tapersersuineq pingaarnertut inersimasunut innarluutilinnut sammitinneqarpoq. Apeqqummut tunngatillugu inersimasunut innarluutilinnut angajoqqaajusut eqqarsaatigineqarpata angajoqqaat piunasaqaatinik naammassinnippata tamatumunnga tapersersortinngornissaat periarfissaavoq. Inersimasunut innarluutilinnut angajoqqaajusut tapersersortitut atorfinitsinneqarsinnaanersut kommunit nalilersueqqissaarnerannit tunngaveqassaaq.

Avannaata Kommunia paasissutissiivoq meeraq ulluunerani neqeroorummiissinnaanngippat meeraq angajoqqaamiit paarineqarsinnaanera periarfissaasoq. Tapersersorneqarnissamik paaqqutarineqarnissamilluunniit immikkut pisariaqartitsineq tunngavigalugu ikiorsiissutitut angerlarsimaffimmi tapersersortimik neqerooruteqartoqarsinnaavoq.

a) Angajoqqaat qanoq amerlatigisut ullumikkut meeqqaminnut tapersersortaappat?

Akissut: Massakkumut ulloq unnuarlu neqeroorutini Namminersorlutik Oqartussanit pigineqartuni angajoqqaanik tapersersorteqartoqanngilaq.

Avannaata Kommunia paasissutissiivoq meeqqat sisamat angajoqqaaminnik tapersersorteqartut, meearlu ataaseq nammineq angerlarsimaffigisami tapersersorteqarluni.

Qeqqata Kommunia paasissutissiivoq Maniitsumi angajoqqaat ataaseq meeqqamut 18-it inorlugit ukiulimmut tapersersortaasoq.

b) Angajoqqaat imminneq aaliangikkaminnik neqeroorutiginiarunik meeqqaminnut tapersersortaanissaminnut ajoqutaasinnaasut suut tunngavilersuutigineqassappat?

Akissut: Apeqqut 2-mut akissut innersuussutigineqarpoq.

3. Nuna tamakkerlugu meeqqat qassit tapersersorteqarnissaminnik utaqqippat?

Avannaata Kommunia paasissutissiivoq meeqqanik tapersersortilerneqarnissaminnik utaqqisoqanngitsaq.

Qeqqata Kommunia paasissutissiivoq Maniitsumi meeqqat marluk Maniitsumi tapersersorteqalernissaannik akuerineqarsimasut, sulisunillu amigarneq pissutigalugu suli maannamut tapersersorteqalersimannigisut.

a) Tapersersorteqarnissamik aaliangiinermiit piviusunngornissaanut agguaqatigiissillugu qanoq sivisutigisoq atorneqartarpa?



Akissut: Avannaata Kommunia paasissutissiivoq innuttaasut tapersersorteqarnissaminnik pisariaqartitsinerat naapertorlugu piaarnerpaamik tapersersorteqalernissaat.

4. Meeqqat piginnaasakitsunut angerlarsimaannartussanut angajoqqaat ilaannakortumik sulisalerneerisigut pisortaniit tamakkiisumik akissarsiatigut taarsiivigineqartalissagaluarpata pisortat allaffissornerannut aningaasatigullu kingunissaat suuppat? (Akissarsiatigut tamakkiisumik taarsiivigitinnermut ilaannakortumik sulinissamut 5, 10, 15, 20, 25 tiimillu aallaavigalugit kisitsisoqarnissaa kissaatigineqarpoq).

Akissut: Meeqqat piginnaasakinnerulersimasut angerlarsimaffimmi najugaqartut angajoqqaavi piffissamik suliffiusumik sivikinnerusumik pisariaqartitsinerisigut, SIK malillugu sulisartunut ilinniagaqarsimanngitsunut akissarsiaritinnerqartut minnerpaaffissaat aallaavigalugu tamakkiisumik akissarsiatigut taarsiinermik tunineqaraangata pisortanut aningaasatigut sunniutaat takussutissami ataani takuneqarsinnaapput:

| Akunnermut | Sap. akunnerani akunnerit 5-it | Sap. akunnerani akunnerit 10-t | Sap. akunnerani akunnerit 15-it | Sap. akunnerani akunnerit 20-t | Sap. akunnerani akunnerit 25-t |
|------------|--------------------------------------|--------------------------------------|---------------------------------------|--------------------------------------|--------------------------------------|
| 103,47 | 517,35 | 1034,7 | 1552,05 | 2069,4 | 2586,75 |

Kisianni angajoqqaat pineqartut isertitaat sillimaffigineqarput.

Meerarisat innarluutillit 18-ileereersimasut angerlarsimaffimmi najugaqartut inuttut tapersersuisuinut tunngatillugu akunnermut aningaasartuutaasinnaasut taamatutaaq ilanngaataasariaqassapput.

5. Naalakkersuisut suliamut tunngasunik paasissutissanik allanik paasissutissiisinnaappat?

Akissut: Inuit innarluutillit tapersersorneqarnissaannut inatsisissatut siunnersuummik nutaamik 2024-mi Inatsisartut Ukiaanerani Ataatsimiinneranni saqqummiunneqartussamik Naalakkersuisut piareersaapput, taanna inunnut innarluutilinnut pissutsinik pitsanngorsaavigineqarsimasunik amerlasuunik imaqartussa.

Naalakkersuisut ilisimavaat meeqqanut innarluutilinnut angajoqqaajusut amerlasuut immikkut ilungersuuteqartut aamma ikiorneqarnerunissamik tapersersorneqarnerunissamillu kissaateqartut. Oqilisaassinissamik periarfissat pitsaannerusut kissaatigineqarnerat ilaatigut saqqummiunneqarsimavoq. Naalakkersuisut eqqumaffigaat inatsisissatut siunnersuutissami meeqqanut innarluutilinnut angajoqqaajusunut tapiissuteqarsinnaanermut amerlanerusunik periarfissanik sulissuteqartoqarnissaa, taamaasillutik meeqqat angerlarsimaffimmiinnarsinnaassapput.

Inussiarnersumik inuulluaqqusillunga

Aqqaluaq B. Egede